

新編
作文材料精華錄

初編

堅忍

至誠所至。金石為開。

不曰堅乎。磨而不磷。不曰白乎。涅而不淄。

具百折不回之志。樹確乎不拔之基。

內力既充。非外物之所得而動。

富貴不能淫。貧賤不能移。威武不能屈。

如航海然。雖有驚潮駭浪。必達其所至之地。

艱難者幸福之母。困苦者成功之券。

臨大節而不奪。處危難而不慊。

獨立不懼。遯世無悶。

茹苦含辛。歷艱履困。

不以榮辱而易心。不以毀譽而易操。不以困難而中止。不以失

敗而灰心
苦心孤詣獨行其是
士各有志無能相強

公心

先公而後私。先人而後己。

自營為私。背私為公。

公而忘私。國而忘家。

禹思天下有溺者。猶己溺之也。稷思天下有飢者。猶己飢之也。

公家之事。知無不為。

先天下之憂而憂。後天下之樂而樂。

民之所好好之。民之所惡惡之。

是非得失。天下後世之人自有公論。

大公無我。至公無私。

歐美之人最重公德。故公園之花木不妄採。公共之場所不作

踐。公眾之器物不損壞。公家之安甯不擾亂。

敗壞公德者乃人道之蝨賊。
陰陽之和。不長一類。甘露時雨。不私一物。
天無私覆。地無私載。日月無私照。雨露無私潤。

窮通

用之則行。舍之則藏。

隱居以求其志。行義以達其道。

尺蠖之屈。有求伸也。

龍蛇起陸。風雲遂其壯圖。

大器晚成。盤根錯節。

諸葛武侯。隱居隆中。嘗抱膝長吟。自比管仲樂毅。號曰卧龍先生。

苟全性命於亂世。不求聞達於諸侯。

古之人得志。澤加於民。不得志。修身現於世。窮則獨善其身。達

則兼善天下。

窮不失義。達不離道。

傅說舉於版築之間。膠鬲舉於漁鹽之中。管夷吾舉於市。孫叔敖舉於仕。百里奚舉於海。

故天將降大任於是人也。必先苦其心志。勞其筋骨。餓其體膚。空乏其身。行拂亂其所為。所以動心忍性。增益其所不能。能屈能伸。可隱可見。

風雨空山。別有懷抱。不屑躁進。以就功名。人生世上。勢位富厚。又豈可忽乎哉。

出處

賢不賢性也。遇不遇命也。故患齊而死生殊。德同而榮辱異。春日麗天而隱者不照。秋霜被地而蔽者不傷。遇不遇也。吾觀我國遊士。往往因激致之。蘇秦之相六國。婁激之也。張儀相秦。友激之也。善用人者。於其凌厲頓挫之時。而乘其感慨奮激之氣。則雖尋常之人。皆能以自效於尺寸。抱朴子曰。連城之寶。非貧寒之所能市也。高世之器。非淺俗之所能識也。然盈尺之珍。不以莫知而闇其色。逸倫之士。不以否塞而蕩其節。

抱朴子曰。翔集而不擇木者。必有離羣之禽矣。出身而不料時者。必有危辱之士矣。

非分之達。猶林卉之冬華也。守道之窮。猶竹柏之履霜也。

重載不止所以沉我舟也。昧進忘退所以危我身也。
一揚一抑者輕鴻所以凌虛也。乍屈乍伸者良材所以俟時也。

用人

因材任使。克盡所長。

用人者當為事擇人。不當為人擇事。

諺云。疑人莫用。用人莫疑。

以禮為羅羅而致之。幕下朝取一人焉。拔其尤。暮取一人焉。拔其尤。

重賞之下。必有勇夫。

士為知己者死。女為悅己者容。

犬鵬無戒旦之用。巨象無馳逐之才。故蔣琬敗績於百里。而為

三台之標。陳平困卒於治家。而懷六韜之畧。

善用用者。當用其所長。而畧其所短。求全責備。士之所以灰心

也。

造夫善御不能御駕焉公輸善匠不能治散木
峻極之山非一石所成凌雲之榭非一木所構
狐白之裘非一腋所集宇宙之宅非一賢所治

利害

禍福無門。惟人自召。

禍兮福所伏。福兮禍所倚。

談笑之頃。有兵戎尊酒之間。有奇禍。

人無遠慮。必有近憂。

兩利相權。取其重。兩害相較。去其輕。

害不十。不變法。利不百。不易器。

利害之見明。而後趨避之機熟。

明哲足以保身。知幾所以遠禍。

害至而為之備。患生而為之防。

癰疥之疾。易愈。腹心之患。難除。

酣歌漏舟之中。厝火積薪之上。

禍之至也。人自生之。福之來也。人自成之。禍與福同門。利與害
同鄰。自非至精。莫之能分。是故智慮者。禍福之門戶也。動靜者。
利害之樞機也。不可不慎察也。

責任

天下興亡匹夫有責

昔范仲淹為秀才時即以天下為己任

禹思天下有溺者猶己溺之也稷思天下有飢者猶己飢之也

遺大投艱責無旁貸

放棄責任者於其分內之事如秦人視越人之肥瘠漠不相關

又如隔岸觀火袖手而不救

有過人之才力者必有過人之熱心且有過人之膽量人所不

敢言者而我言之人之所不敢為者而我為之知有責任而已

馬不神駿者不足以致遠舟不虛納者不足以載重於物有之

於人亦然

當今之世舍我其誰

天下惟具熱心之人能有毅力。
我不入地獄誰入地獄。

毀譽

人者一代名者百代

西人以名譽為人之第二生命故損壞名譽者當責令賠償
老冉冉其將至矣恐修名之不立

名者由實而生故實至而名自歸之

有一時之名有千載之名有一鄉一邑之名有震驚世界之名
貪夫殉財烈士殉名

逃名而名我追名而名我隨

君子疾歿世而名不稱焉

樹高則招風名高則受謗

不能留芳百世亦當遺臭萬年此桓溫語也

衆口燦金積毀銷骨千夫所指無疾而死

善不積不足以成名。惡不積不足以滅身。

功高不賞。惡極不誅。

有洵洵之行。無赫赫之名。

三代以上惟恐好名。三代以下惟恐不好名。

悠悠之口。毀譽無憑。

諺云。豹死留皮。人死留名。

諺云。好事不出門。惡事傳千里。

不以衆人之毀譽易其操守。不以外界之指摘變其初心。

讒人高張。賢士無名。

位高者謗至。道高者毀來。

孔子曰。後生可畏。焉知來者之不如今也。四十五十而無聞焉。

斯亦不足畏也已。